

## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

Caput. I. Scopus, & usus libri. Pro scriptione, & fine ad Deum oratio.  
Duplex via, quâ itur ad Deum. Vtriusque discrimina.

**urn:nbn:de:hbz:466:1-10805**

# VIA COMPENDII AD DEUM,

Per Motus anagogicos, & ignitas  
aspiraciones.

## CAPUT I.

*Scopus, & usus Libri. Proscriptio, &  
fine ad Deum Oratio. Duplex via, quâ  
itur ad Deum. Utrinque discrimina.*

I. **V**itae sanctioris viam nosse volentibus brevi compendio indicare propositum mihi est, non meis, sed veterum Patrum monitis, ac documentis. Usus erit hujus libelli, uti spero, non inutilis, nec injucundus. Nam cum plerisque longum iter ad Deum, plenumque sentibus videatur; haurient fortasse animo non modicam voluptatem, cum viam fibi facillimam, sed vulgo ignoratam, proponi animadverterint, à qua labor absit, & longitudi. Nec erit hæc via scandulum mihi docenti, & non facient: nam, ut quidam vir sapiens (a) scribit, *Docens aliquis plus dis-  
seit, & dicens sœpe unà audit cum iis, qui ipsum au-  
ditant: unus est enim magister & eius qui dis-  
seit, & ejus qui audit, qui & mentem irrigat, & ratio-  
nem.* Dirigens ergo pedes aliorum in viam pacis, & ipse incipiamus ab omni via mala prohibere pedes meos: & cum perfecero gressus audientium me in semitis Dei; sequar ego, & exultabo si-  
cūt gigas ad currēdam viam, qua me ad verti-  
cem montis, ad tertium cœlum, ad caliginem, in  
quâ Deus habitat, recto itinere vel pertrahat, vel  
perducat.

2. Sed quia sociordia depressus, & mundi hu-  
jus simulacra circumferens assurgere ad eum, qui  
posuit tenebras latibulum suum, sine ipso non  
possim; orationem præmittere par est, ut scien-  
tiarum Dominus, ductorque viæ ad supernatura-

lem illapsum, lumenque arcanum cor meum  
aperire, & mentem elevare dignetur.

Tu Domine, qui corda nosti omnium, dirige  
me (b) ad mysticorum oraculorum lucidissimum,  
indemonstrabile, & summum fastigium: ubi  
simplicia & immutabilia Theologiarum mysteria  
aperiuntur in caligine splendidissima silentii ar-  
canâ docentis, quæ in summè tenebris obscurâ  
ritate clarissimè supereluet, & pulcherrimis  
splendoribus mentes oculis captas superadim-  
plet. Hic enim est scopus, hæc meta votorum  
meorum, ad te pervenire principium, & finem

meum, & optratissimum centrum animæ meæ.  
3. Duplex autem est via, per quam itur ad  
Deum, ut summi virtutis (c) asseverant. Unam vo-  
cant scholasticam, & communem: alteram my-  
sticam, & secretam. Utraque est donum celeste  
desursum descendens à patre luminosum, sed mul-  
tiplex inter utramque intercedit differimen. Illa  
humanum studium, & inquisitionem requirit,  
paucisque convenit altiori præditis literaturâ:  
hæc ubique, semper, & ab omnibus haberi po-  
test. Illa speculativa, hæc practica: illa propriè  
in intellectu, hæc in voluntate sita est. Illa ex-  
posita illusionibus, superbie, & curiositatî, ha-  
bet unde timeat: hæc tunc ac simpliciter ambu-  
lat, nihil quærens præter Deum. Illa naturaliter  
cum phantasiam & discursu operatur: hæc super-  
naturaliter cum purâ & simplici intelligentia. Il-  
la à scientiâ acquisita, hæc à donis infusis Spir-  
itus sancti procedit. Illa angusta est limites non

O 2 exce-

(b) Ex Dionysio Areopag. cap. 1. myst. Theologia.

(c) Harph. lib. 1. pag. 2. C. 1. p. 48. C. lib. 2. p. 3.

cap. 30. C. p. 5. collar. 1. myst. Theol. Victor. Ge-

lenius in Summa practicâ myst. Theologia part 1.

deceit. 1. art. 3.

(a) Clements Alexandrin. 1. Strom.

excedens humanæ speculationis: hæc cor dilatat ad infinita, & omnem modum naturalis cognitionis transcendit. Illa longa, laboriosa, & difficultilis: hæc brevis, expedita, & facillima est. Illa ab infimis incipiens, à pravorum scilicet habituum extirpatione, & tumultuantium affectionum moderatione, per studium virtutum, & vitae activæ officia ad apicem perfectionis ascendit: hæc admirabili circulo ab amore incipiens ad amorem progrederitur, & definit in amore per motus anagogicos, & flammigeras aspirationes. Est enim amor, ut Plato (d) etiam cognovit, circulus à bono in bonum perpetuò revolvens. Illam alibi (e) Deo duce, edocui: hanc breviter hic tradere animus est. Sed iterum ad Deum preces mittit, ut mentem, & manum dirigat, & cor amore inflammet; occulta enim ipsius melius amando, quam ratiocinando intelliguntur, & explicantur.

*Spiritus (f) superum decus*

*Sancta fidere domus*

*Aura labore cœ litus.*

*Aura sacra, ter optimi*

*Dia flaminis aura.*

*Spiritus radians venit,*

*Terror agminis inferi,*

*Efficax hominum salus,*

*Aura sacra, ter optimi*

*Dia flaminis aura.*

*Alma lux sapientie,*

*Dulcis hospita mentium,*

*Cordis ardor amabilis,*

*Ima peccoris occupa*

*Igne peccus adure.*

*Fausta nuntia gaudii,*

*Flamma pronuba gratiæ,*

*Sancta lux animi ventus*

*Aura sacra, ter optimi*

*Dia flaminis aura.*

## C A P U T II.

Viam mysticam duplarem esse activam & passivam. Quid utraque sit. Cupienti ad apicem mystica Theologia pervenire omnia relinquenda.

**O**Missa igitur viâ Scholastica de solâ mystica agendum est. Hæc, ut docet Dionysius

(d) *Plato in Convivio*, ubi docte & suscitat Amorem.

(e) *In meâ ad Cælum Manudictione*. (f) *Ex hymno elegantissimo Urbani VIII, ad Spiritum Sanctum.*

Carthusianus (a) doctor extaticus, duplex est, activa & passiva. Colligitur hæc divisio ex Magno Dionysio Areopagitâ (b) qui ad Timotheum sic scribit. Tu vero, care Timothee, in mysticis contemplationibus, intenta exercitatione, & sensu relinque, & intellectuales operationes, & sensibilia, & intelligibilia omnia, & ea quæ sunt & quæ non sunt universa, ut ad unionem ejus, qui supra essentiam & scientiam est, quantum has est, indemonstrabiliter assurgas; siquidem per liberam & abolitam, & puram tui ipsius à rebus omnibus avocationem, ad supernaturalem illum caliginis divinæ radium detractis omnibus & à cunctis expeditus eveheras. Et alibi ita loquitur. (c) Est item divinissima Dei notitia, quæ per nescientiam accipitur, secundum illam, quæ supra intellectum est, unionem, quando mens a rebus omnibus recedens, ac deum sicutipam deserens, desuper fulgentibus radiis unitur, quibus in illo inscrutabili sapientia profundo collustratur. Quibus verbis utramque viam attingit, activam, quæ in nostra sita est voluntate, non tamen sine divini auxili infuso lumine, dum monet Timotheum, ut se disponat ad unionem per omnimodam abstractionem a rebus omnibus, sensus relinquendo, quia non percipiunt quæ sunt spiritus Dei, & omnia objecta sensibilia ac intelligibilia, principia scilicet scientiarum & ratiocinationum; & ea quæ sunt, essentias videlicet rerum immutabiles: & ea quæ non sunt, res nimurum temporales, quæ propter continuum mutationem meritò dicuntur non esse. Sic autem expedito ab omnibus impedimentis futurum pollicetur, ut ad supernaturalem divinæ caliginis radium anagogice sublimetur, & à Deo trahatur: quia tunc anima divinitus rapitur, & absorbetur, quæ est via passiva, supponens præviam viæ activæ dispositionem.

2. D. Bernardus hanc duplēcē viam tendendi ad divinam unionem his verbis (d) exponit. Quidam trahuntur, qui dicere possunt; Trahi me post te. Nonnulli ducuntur, qui dicunt; Introduxit me Rex in cellam vinariam. Alii rapiuntur, sicut Apostolus raptus est ad tertium cælum. Et primi quidem felices, qui in patientia suâ possident animas suas. Secundi feliciores, qui ex voluntate suâ continent Domino. Terti felicissimi, qui in profundissimâ Dei misericordia, quasi sepultâ arbitrii libertate.

(a) *Dionys. Carthus. lib. de fonte lucis art. 14.* (b) *Dionys. Areop. myst. Theolog. c. 1.* (c) *Item de div. nominib. cap. 7.* (d) *Bernard. serm. 2. de Ascensione.*